



Imlitir 36/2011

Chuig Údaráis Bhainistíochta Bunscoileanna, Meánscoileanna agus Scoileanna Comhphobail agus Cuimsitheacha

Scéim um Rothaíocht chun Oibre 2011 agus dár gcionn

1 RÉAMHRÁ

Is mian leis an Aire Oideachais agus Scileanna téarmaí agus coinníollacha athbhreithnithe na Scéime um Rothaíocht chun Oibre a chur in iúl d'údaráis bhainistíochta Bunscoileanna, Meánscoileanna, Pobalscoileanna agus Scoileanna Cuimsitheacha. Baineann an scéim le múinteoirí, le cúntóirí um riachtanais speisialta, le hairígh agus le hoibrithe cúraim leanaí a n-íotar iad ar phárollaí a fheidhmíonn an Roinn Oideachais agus Scileanna mar an pá-mháistir. Féach Roinn 1 d'Aguisín 3)

Cuireadh reachtaíocht ar bun san Acht Airgeadais (Uimh. 2) 2008 a cheadódh d'fhostóir caiteachas a thabhtú chun rothar nua¹ a chur ar fáil don fhostaí gan an fostaí a bheith freagrach i gcáineachas um shochar comhchineála. Ceadáíonn an Reachtaíocht, freisin, go bhféadfaí an diolúine chánach um shochar comhchineála a fheidhmiú i gcomhthéacs íobairt tuarastail, sé sin, go mbeidh an fostaí sásta cuid den tuarastal a chur ar ceal nó gan í a ghlacadh thar ceann rothar nua a bheith curtha ar fáil ag an bhfostóir. Bainfear costas iomlán an rothair agus/ nó trealamh sábháilteachta rothair mar atá tugtha ar an sonrasc ón soláthraí as tuarastal agus ní íocfaidh an fostaí cáin, ÁSPC, Muirear Sóisialta Uilíoch ná Asbhaint a bhaineann le Pension ar an luach saothair a híobraíodh.

De thoradh na scéime sin, tá cead ag an fhostóir rothar nua nó trealamh sábháilteachta rothair ar luach €1000, ar a mhéad, a cheannach gach 5 bliana ar son an fhostaithe.

Is féidir teacht ar shonrú treorach, sraith Cheisteanna agus Freagraí san áireamh, a sholáthraíonn na Coimisinéirí Ioncaim ach féachaint ar :

<http://www.revenue.ie/en/practitioner/law/bik-exemption-for-bicycles.pdf>

Ní bhaineann an scéim ach le rothair nua agus le trealamh sábháilteachta rothair a cheannaítear ó sholáthraithe faofa. [Tá liosta soláthraithe ar fáil ar láithreán gréasáin an OPW

<http://www.opw.ie/en/OurBusinessUnits/GovernmentSuppliesAgency/Cycle-to-workScheme/>].

Chun críche na Scéime um Rothaíocht chun Oibre, is ionann tagairt ar bith d'fhostóir san imlitir seo agus tagairt dhíreach don Roinn Oideachais agus Scileanna mar phá-mháistir. Is ionann tagairt ar bith d'fhostaí agus tagairt ar leith don mhúinteoir bunleibhéil nó dara leibhéal, don chúntóir um riachtanais speisialta, don oifigeach cléireachais, don airíoch nó don oibrí um chúram leanaí.

¹ Baineann an scéim , freisin, le trealamh sábháilteachta maidir le rothaíocht

2 RIACHTANAIS NA SCÉIME

Íobairt tuarastail ag an fostaí i leith an rothair, glacfaidh na Coimisinéirí Ioncaim a leithéid a bheith éifeachtach chun críche cánach faoi na coinníollacha a leanas:

1. An t-athrú ar théarmaí agus ar choinníollacha na fostaíochta, caithfear é a bheith bona fide agus infheidhmithe, i.e. an rogha maidir le sochar in ionad tuarastail a bheith curtha i gcéill.
2. Ní fhéadfaidh an t-athrú a bheith aisbhreathnaitheach agus caithfear fianaise i scríbhinn a chur i láthair.
3. Ní fhéadfaidh teideal a bheith ann chun an sochar a mhalartú ar airgead tirim.
4. Ní féidir an rogha a thoghfear (i.e. sochar seachas airgead tirim) a dhéanamh níos minicí ná uair amháin i dtréimhse cúig bliana
5. Ní mór don rogha a thoghfear a bheith do-athraithe don bhliain ábhartha ar rinneadh an rogha,.

Ní bheidh tionchar ar bith ag an íobairt tuarastail ar íocaíochtaí pinsin ná ar na sochair a bhaineann leis an bpinsean.

3 IARRATAS AR AN SCÉIM

Ní mór do dhaoine ar mian leo leas a bhaint as an Scéim um Rothaíocht chun Oibre:

1. Na coinníollacha a bhaineann leis an scéim a léamh agus glacadh leo (Aguisín 3)
2. An Fhoirm Iarratais (Aguisín 1) ina leagtar amach **an rothar agus/nó an trealamh sábháilteachta** atá le ceannach a chomhlánú.
3. An Fhoirm Údaraithe um Asbhaint Tuarastail (Aguisín 2) ina leagtar amach an íobairt tuarastail a bheidh de dhíth maidir leis na míreanna a iarrfar a shíniú, i.e. **costas iomlán** an rothair agus/nó an trealamh sábháilteachta rothair mar atá ar an sonrasc

Ní mór iarratais chomhlánaithe a chur ar aghaidh chuig an Rannóg Párolla cuí sa Roinn Oideachais agus Scileanna, Cor na Madadh, Baile Átha Luain, Co. na hIarmhí. Seolfar foirmeacha neamhiomlána ar ais chuig an bhfostóir. Ní mór iarratais ar an scéim a dhéanamh ar na foirmeacha atá i bhfostú don imlitir seo.

Is féidir iarratas a dhéanamh chuig an Roinn i gcaitheamh na bliana.

Is féidir na foirmeacha seo a íoschóipeáil go díreach de láithreán gréasáin na Roinne seo ag www.education.gov.ie.

Ní mór an t-iarratas a chomhlánú i gcomhar leis an soláthraí. Ar an iarratas beidh eolas ar an rothar/trealamh sábháilteachta rothair nua a soláthraíodh chomh maith le mionsonraí an tsoláthóra. Ní mór don soláthraí an sonrasc cuí a chur leis. Ní mór don soláthraí glacadh leis nach ndéanfaidh an Roinn an íocaíocht ach trí Aistriú Leictreonach Cistí (EFT) amháin.

Sa chás is gur lasmuigh d'Éirinn atá an soláthraí ceadaithe, chun críche CBL caithfear le rothar a cheannóidh fostóir ó sholáthraí CBL-cláraithe i mBallstát AE eile mar earra a Fhaightear laistigh den Chomhphobal. Ba chóir go dtabharfaí uimhir CBL (le fáil arna iarraidh mar a leagtar amach in Alt 6) an fhostóra don soláthraí agus níor chóir go ngearrfaí aon CBL ar an gceannach. Tá breis mionsonraí le fáil ag: <http://www.procurement.ie/suppliers/contracts/78>

4. ASBHAINTE TUARASTAIL

Leagtar amach ar an bhFoirm Údaraithe Asbhainte Tuarastail an íobairt tuarastail maidir leis na míreanna a iarrtar. Ba chóir na critéir seo a leanas a thabhairt ar aird maidir le asbhaintí as tuarastal:

1. Tosófar ag baint na hasbhaintí as tuarastal ar an dáta íocaíochta tuarastail is túisce agus is féidir i ndiaidh an fhoirm iarratais a fháil.
2. **Ní mór** na hasbhaintí tuarastail ar fad a bheith déanta faoin bpárolla deiridh i mí na Samhna na bliana féilire inar tosaíodh orthu.
3. D'fhéadfadh fostaí roghnú na hasbhaintí tuarastail a thabhairt chun críche laistigh de thréimhse níos giorra.
4. Má bhíonn sé socraithe go mbeidh fostaí ag imeacht den phárolla ar dháta roimh mhí na Samhna na bliana a ndéantar iarratas ar an scéim, ní mór an íobairt tuarastail iomlán a bhaint as an íocaíocht tuarastail deiridh.

A luaithis a bheidh na socruithe asbhainte curtha i bhfeidhm eiseofar íocaíocht chuig an soláthraí agus féadfar an rothar/ trealamh sábháilteachta rothair a bhailiú ón soláthraí. Cuirfear in iúl i scríbhinn don fhostaí nuair a thosóidh na hasbhaintí.

5. SCAIPEADH FAISNÉISE

Iarrtar ar údaráis bhainistíochta ábhar na hImlitreach seo a chur in iúl do na hoidi uile, do na cúntóirí um riachtanais speisialta, do na hoifigigh chléireachais, do na hairígh agus do na hoibrithe um chúram leanaí ina gcuid scoileanna a íoctar as párollaí a fheidhmíonn an Roinn Oideachais agus Scileanna mar phá-mháistir. Is féidir teacht ar an imlitir seo ar leathanach gréasáin na Roinne Oideachais agus Scileanna: www.education.ie

6. FIOSRUITHE

Ba chóir fiosruithe ar bith maidir le feidhmiú na scéime i ndáil le Bunmhúinteoirí a sheoladh ar ríomhphost chuig primtch_payroll@education.gov.ie

Ba chóir fiosruithe ar bith maidir le feidhmiú na scéime do Mhúinteoirí Iarbhunoidéachais a sheoladh ar ríomhphost chuig pppayroll@education.gov.ie

Ba chóir fiosruithe maidir le feidhmiú na scéime maidir le SNAnna, Oifigigh Cléireachais, Airígh agus Oibrithe Cúraim Leanaí a sheoladh ar ríomhphost chuig NTSPayroll@education.gov.ie

7. AN IMLITIR ROIMHE SEO

Glacann an imlitir seo ionad na himlitreach 46/2010

P. Maloney.
Príomh-Oifigeach.

Meitheamh 2011

**Scéim um Rothaíocht chun Oibre
Foirm Iarratais**

Chuig: Scéim um Rothaíocht chun Oibre
An Roinn Párolla
An Roinn Oideachais agus Scileanna
Baile Átha Luain, Co. na hIarmhí

Ar mhiste do chlúdach a mharcáil go soiléir “Scéim um Rothaíocht chun Oibre” agus “Párolla Bunoidreachais”, “Párolla Iar-Bhunoidreachais” nó “Párolla um Fhoireann Neamhtheagaisc” mar is cuí.

Ar mhiste a chiorclú mar is cuí:

Post reatha: Oide nó Foireann neamhtheagaisc

Earnáil: Bunoidreachas nó Iar-Bhunoidreachas

1 Mionsonraí Pearsanta an Fhostaí

Ainm: (mar atá ar an bpádhuille) _____

Seoladh Baile _____

Uimh. Theagmhála Theileafóin. _____ Uimhir-rolla na Scoile _____

Uimh. PSP.: (mar atá ar an bpádhuille)

--	--	--	--	--	--	--	--	--

Uimh. Phárolla.: (mar atá ar an bpádhuille)

--	--	--	--	--	--	--	--	--

2 Mionsonraí an tSoláthraí (AN SOLÁTHRAÍ BA CHÓIR AN CHUID SEO A CHOMHLÁNÚ)

Ainm an tSoláthraithe _____ Uimhir CBL _____

2.1 Mionsonraí Bhanc an tSoláthraithe don Íocaíocht trí Aistriú Airgid go Leictreonach:

Uimhir Cuntais Bainc an tSoláthraí

--	--	--	--	--	--	--	--

Cód Sortála Bainc an tSoláthraí

--	--	--	--	--	--	--

Ainm agus Seoladh an Bhainc _____

Ar mhiste a dheimhniú go bhfuil an cuntas bainc laistigh de Phoblacht na hÉireann agus go bhfuil sé in ann déileáil leis an gcóras um Aistriú Airgid go Leictreonach

3. Mionsonraí maidir leis an Rothar / Trealamh Rothaíochta a Ordaíodh

Uimhir Sonraisc _____

Earraí	Tuairisc	Praghas, CBL cuimsithe
Rothar		
Clogad rothaíochta de réir an chaighdeáin Eorpaigh EN1078		
Cloigíní agus adharc bhulgáin		
Soilse, bearta dionamó san áireamh		
Scatháin agus pludghardaí		
Fáiscíní rothaíochta agus cosaint éadaigh		
Ciseáin, gléasanna bagáiste agus téada		
Eochracha agus slabhraí		
Teannairí, fearais deisiúcháin poll, fearais uirlísí don rothar agus deisiúchán boinn		
Éadach frithchaiteach chomh maith le frithchaiteoirí bána ar aghaidh an rothair agus frithchaiteoirí gathanna		
<u>Iomlán</u>		

Sonrasc a Ghreamú maidir leis an Iomlán a Ordaíodh - an Rothar / Trealamh Rothaíochta

Scéim um Rothaíocht chun Oibre
Foirm Údaraithe le haghaidh Asbhaintí Tuarastail

Leis seo déanaim íobairt tuarastail €_____. **(Cuir isteach an tsuim iomlán mar atá tugtha ar an sonrasc le do thoil)** mar a léiríonn an sonrasc, de mo bhuntuarastal bliantúil a údarú thar ceann rothar nua / trealamh sábháilteachta rothair a bheith soláthraithe ag an Roinn Oideachais agus Scileanna. Tuigim go mbeidh an t-eagar seo i bhfeidhm go dtí go mbeidh an íobairt tuarastail aisíoctha agus go ndéanfar na hasbhaintí a fhrithchaitheamh sna pádhuillí thar thréimhse amháin díobh san thíos. Ar mhiste an tréimhse asbhainte a roghnaigh tú a chur in iúl..

Dáta Tosaithe go Samhain	
Dáta Tosaithe go Lúnasa*	
Dáta tosaithe go _____ (sonraigh le do thoil)	

* Lúnasa i gcás iarratasóirí atá fostaithe faoi théarma seasta nó faoi chonradh páirtaimseartha rialta atá dlite dul as feidhm i mí Lúnasa.

Dearbhaim go ndéanfar an rothar / an trealamh sábháilteachta rothair a soláthraíodh faoin scéim seo a fheidhmiú agam mar áis phearsanta agus go ndéanfar é a fheidhmiú go príomha le haghaidh na n-aistear cáilithe i.e. aistir chun oibre agus ó obair nó idir ionaid oibre agus go bhfuil a leithéid d'fheidhmiú faoi réir rialacha nó coinníollacha ar bith i bhfeidhm maidir le úsáid nó cur i bhfeidhm an trealaimh.

Tuigim go mba chóir dom an rothar a úsáid i láthair na rialacha agus na rialíochán uile atá leagtha amach ag an Údarás um Shábháilteacht Bhóthair (RSA) agus go mba chóir dom, freisin, trealamh sábháilteachta rothair a fheidhmiú i gceart i gconaí.²

Tá na coinníollacha maidir leis an Scéim um Rothaíocht chun Oibre mar aon leis an Imlitir 36/2011 léite agam agus aontaim leo.

Dearbhaím go bhfuil comhaontú déanta agam leis an soláthraí atá ainmnithe ar an sonrasc go soláthróidh siad dom rothar/trealamh sábháilteachta rothair de réir an tsonraisc a cuireadh ar aghaidh.

Sa chás is nach mbíonn cuntas bainc an tsoláthraí lonnaithe i bPoblacht na hÉireann d'fhéadfadh táille bheag ainmniúil a bheith i gceist chun íocaíocht an tsoláthraí a dhéanamh tríd an gCóras Aistrithe Airgid Leictreonach agus beidh sin san áireamh sa bhfigiúr íobartha tuarastail.

AINM _____
BLOCLITREACHA LE DO THOIL

UPSP _____

Sínithe: _____ Dáta: _____

² Ar nhiste féachaint ar láithreán gréasáin an RSA <http://www.rulesoftheroad.ie/rules-for-pedestrians-cyclists-motorcyclists/index.html>

Cosaint Sonraí

Coimeádfaidh an Roinn Oideachais agus Scileanna na sonraí pearsanta uile a sholáthróidh tú ar an bhfoirm seo faoi rún docht agus ní bhainfear feidhm astu ach amháin chun críche mar ar beartaíodh iad. Ní dhéanfar an fhaisnéis a sceitheadh ach amháin mar a cheadaíonn an dlí nó chun críche mar atá liostaithe i gclárú na Roinne leis an gCoimisinéir um Chosaint Sonraí – TAG 10764/A.

Má shocraítear an fhaisnéis, a sholáthróidh tú, a fheidhmiú chun críche seachas mar a breacrianadh i gclárú na Roinne leis an gCoimisinéir um Chosaint Sonraí, lorgófar do chead uait.

Aguisín 3

Coinníollacha na Scéime um Rothaíocht chun Oibre

1. Caithfidh an t-iarratasóir a bheith fostaithe ar bhonn Buan, ar Chonradh um Thréimhse Éiginnte nó ar théarma seasta nó Páirtaimseartha Rialta ar dháta an iarratais. Caithfidh an fhostaíocht a bheith in ann feidhmiú go dtí go mbeidh an íobairt tuarastail aisíoctha. Níl an scéim ar fáil d'fhostaithe ócáideacha nó d'fhostaithe neamh-ócáideacha , i.e. fostaithe ionadaí.
2. Beidh ar an bhfostaí cuid dá b(h)untuarastal bliantúil a thabhairt uaidh/uaithi in aghaidh an rothair/trealaimh sábháilteachta rothair a sholáthróidh an Roinn. Bainfear costas iomlán an rothair agus/ nó trealamh sábháilteachta rothair mar atá tugtha ar an sonrasc ón soláthróir as tuarastal agus ní íocfaidh an fostaí cáin, ÁSPC, Muirear Sóisialta Uilíoch ná Asbhaint a bhaineann le Pension ar an luach saothair a híobraíodh. Beidh an socrú seo i bhfeidhm go dtí go mbeidh an íobairt tuarastail faighte ar ais ina iomláine agus beidh sin le sonrú ar a d(h)uillín pá thar an tréimhse sin.
3. An rothar nua . an trealamh sábháilteachta rothair a sholáthrófar faoin scéim, caithfear é a fheidhmiú go príomha chun críche taisteal chun oibre nó ó obair agus idir ionaid oibre.
4. Agus rothar nua á cheannach aige/aice, ní mór don bhfostaí a bheith ar an eolas go gcuireann Údarás Sábháilteachta Náisiúnta na hÉireann caighdeán sábháilteachta ar leith don rothar i bhfeidhm ar son an Choimisiúin Eorpaigh. Na rothair sin a chomhlíonann a leithéid de chaighdeán, glactar leis go gcomhlíontar an Treoir Shábháilteachta um Tháirge Ginearálta 2001/ 96/EC den AE a chuireann an dualgas ar dhéantóirí táirgí atá slán a chur ar fáil don mhargadh. Is iad seo thíos na caighdeáin ábhartha;
I.S. EN14764:2006 – rothair chathrach agus thurais,
I.S. EN14766:2006 – rothair shléibhe,
I.S. EN14781:2006 – rothair rása.
Is féidir tuilleadh eolais a fháil ar na gnéithe sin ach dul chuig <http://www.nsai.ie>
5. Ní bheidh sé ceadaithe don fhostaí foirceannadh a chur leis an rannpháirtíocht sa scéim roimh dhul as feidhm den eagar um íobairt tuarastail, ach amháin sa chás go ndéanfar foirceannadh ar an bhfostaíocht. Sa chás go gcuirfear foirceannadh ar an bhfostaíocht roimh dhul as feidhm den eagar um íobairt tuarastail, caithfidh an fostaí an t-iarmhéid a bheidh dlite don Roinn Oideachais agus Scileanna a íoc. D'fhéadfaí an t-iarmhéid sin a asbhaint as íocaíocht ar bith a bheidh amuigh agus a bheidh dlite de thoradh foirceanta na fostaíochta. Sa chás go mbeidh a leithéid dodhéanta, is féidir go mbeidh sé de dhualgas ar an Roinn Oideachais agus Scileanna an t-iarmhéid dlite a bhailiú ón bhfostaí faoi théarmaí

na hImlitreach Pá 045/2010: Dúnghaois agus Nósanna Imeachta chun déileáil le Íocaíocht Iomarcach Tuarastail / Liúntas

- 6 Uair gach tréimhse cúig bliana atá sé ceadaithe a bheith rannpháirteach sa scéim. Baineann sin freisin le haon duine a bhain leas as an scéim in 2010 faoi théarmaí Imlitir 54/2009 agus in 2011 faoi théarmaí imlitir 46/2010.
- 7 Ní bhaineann an scéim ach le rothar nua / trealamh sábháilteachta rothair a cheannaítear ó sholáthraithe faofa. Tá liosta iomlán soláthraithe ar fáil ar láithreán gréasáin an OPW <http://www.opw.ie/en/OurBusinessUnits/GovernmentSuppliesAgency/Cycle-to-WorkScheme/>.
- 8 An costas a bhaineann leis an rothar / an trealamh sábháilteachta rothair, iocfaidh an Roinn as don soláthraí. Beidh sé mar riachtanas na scéime go mbeidh na soláthraithe sa scéim eolach faoi go rachaidh gach baránta a bhaineann leis an rothar / an trealamh sábháilteachta rothair chun sochar an fhostaithe agus go ndéanfar gach aon cheist, maidir leis an mbaránta, a réiteach idir an fostaí agus an soláthraí.
- 9 Admhaíonn an fostaí nach mbeidh an Roinn Oideachais agus Scileanna freagrach as nó dlite maidir le slándáil, cur de láimh, choimeád, deisiú agus úsáid an rothair nó an trealamh sábháilteachta rothair.
- 10 Ní bheidh an Roinn Oideachais agus Scileanna freagrach as mí-úsáid na rothar nó an trealamh ag na fostaithe agus dearbhaíonn sí go mbeidh na rothair agus an trealamh sábháilteachta rothair, a cheannaítear de thoradh na scéime, daingean-neamhaistrithe.